

PAUL YE SILAS KE UFỌK-ŃKPỌKỌBI

Utom Mme Apostle 16:9-40

ỌYỌHỌ UKPEP ŃKPỌ 334

Eke Ikpọ Owo

IKỌ IBUOT: “Edi imọfiok ite kpukpru ńkpọ esaña ọtọ kiet enam ufọn enọ mmọ eke emade Abasi, kpa mmọ emi ekotde nte ekemde ye uduak Esie” (Ńwed Mbon Rome 8:28).

I Ikot Paul Ndika Ke Macedonia

1. Ke ńkukut, Paul ama okut owo kiet emi ọkọdọhọde ete: “Be di ke Macedonia, dinyaña nnyin,” Utom Mme Apostle 16:9
2. Paul ye Silas ema ewat eka ke Macedonia enyuñ enim mboho ke mben inyañ, Utom Mme Apostle 16:10-13
3. Lydia ama ọfọn ido ye Paul ye Silas, Utom Mme Apostle 16:14, 15; I Timothy 5:10; Mme Hebrew 6:10

II Ema efuhọ Ke abaña Eyen-Añwan Emi Ekenyenede Spirit Idiọñ

1. Enye ama ada akamba udori ọsọk mme ete-ufọk esie ebe ke ubre idiọñ esie, Utom Mme Apostle 16:16
2. Enye ama etiene Paul ke edem onyuñ ofiori ete, “Mmọ emi edi ikọt Abasi Andikoñ-ńkan,” Utom Mme Apostle 16:17
3. Paul ama ebin edidehe spirit osio enye ke idem, Utom Mme Apostle 16: 18
4. Mme ete-ufọk esie, ke ekutde ete idorenyin udori mmimọ amatak, mmọ emum Paul ye Silas, Utom Mme Apostle 16:19

III Mme Ebierikpe Ema Emia Enyuñ Esin Mmọ Ke Ufọk-Ńkpọkọbi

1. Ema edori Paul ye Silas ikọ ke iso mme ebierikpe, Utom Mme Apostle 16:20, 21
2. Mme ebierikpe ema ewai ọfọñidem mme mbet, enyuñ enọ uyo ete emia mmọ, Utom Mme Apostle 16:22, 23
3. Ema esin mmọ ke ata esit-esit ufọk-ńkpọkọbi, Utom Mme Apostle 16:24

IV Akam Ye Itoro Ye Akwa Unyek-Isọñ

1. Mboho akam ye itoro ama ada itie ke ini ema ekeda ebuka etim efat ukot mmọ, Utom Mme Apostle 16:25
2. Akwa unyek-isọñ ama otibe, kpukpru usuñ ufọk-ńkpọkọbi eberere, ndien ńkpọkọbi enyuñ ekpọhọre kpukpru owo ke ubọk, Utom Mme Apostle 16:26
3. Ekpeme ufọk-ńkpọkọbi ama oyom ndiwot idem esie, edi Paul akpan enye, Utom Mme Apostle 16:27, 28
4. Ema enyaña ekpeme ufọk-ńkpọkọbi ye ofuri ufọk esie, ndien mmo ema etim ekama mbon-ńkpọkọbi emi, Utom Mme Apostle 16:29-40

SE EKPEPDE EBAÑA

Isań Ukwọrọ-Ikọ Paul Ọyọhọ Iba

Ke ukpep-ńkpọ emi, Paul okodu ke isań ukwọrọ-ikọ esie ọyọhọ iba. Enye ama asaña oduk ke mme ikpọ obio emi enye ye Barnabas ekesañade ekwọrọ ikọ Abasi enyuñ esiakde mme ufọk Abasi do ke akpa isań esie. Barnabas iketieneke Paul ke isań ọyọhọ iba emi, edi ama akabare aka obio emana esie ke Cyprus. Paul ama ada Silas nte nsaña-utom esie, ndien ke ndidian ke ndisaña nse mme itie oro enye

ekesimde ke akpa isañ esie, ama asaña ebe ke Syria ye Cilicia, ọsọñọ mme ufọk Abasi idem. Ndien mmọ mbiba ema esaña ebe ke edem edere ye edem usop-utin eduk ke Galatia ye Mysia. Paul ama aduak ndisuk nka nkañ edere man ọkọduk ke Bithynia, edi Spirit Ọbọñ ama ọdọhọ ete, Baba, mmọdo mmọ edika ke Troas, ndien ekedi mi ke Paul okokut nkukut emi akadade enye oto ke Asia osim Europe.

Ikot Emi Otode Macedonia

Ikaba ke Spirit Ọbọñ akakpan Paul ete okudọk aka ke Asia, edi ndusuk enye ama edisim Troas onyuuñ ekere ye mkpa-idem ebiet eke Ọbọñ oyomde imọ ika. Edi enye ikọsuhọke ke ekikere emi ibighi ikaha. Ke nkukut ke okoneyo owo Macedonia kiet ama ada enye ke iso onyuuñ ọdọhọ ete: “Be di ke Macedonia, dinyaña nnyin.” Ọbọñ ama ọdiọñọ ete ke obio Greece mme ukpọñ ema edu emi ebetde ndibọ Eti-mbuk. “Ikot emi otode Macedonia” ke akaka iso ke utọñ mme ọkwọrọ-ikọ, ke ndinyuuñ ndemere mmọ, ọtọñode ke ini oro tutu osim emi.

Edi ata ofuri akpanikọ nte ke edi Edisana Spirit akada mme akpa asaña-utom ukwọrọ-ikọ emi ke Europe usuñ. Nkpọ nte tosin isua edi emi, edi Edisana Spirit ke osuk adada mme ọkwọrọ-ikọ akpanikọ ye mme ese-utom (Mme Overseer) usuñ tutu mfin emi.

Obufa ini ama ọtọñọ ke mme utom ukwọrọ-ikọ Paul apostle. Ikot emi otode Macedonia ama owut ntọtuñọ ufọn Eti-mbuk ke obio oro ye mbeñidem emi okodude ke esit mbon oro ndibọ Iko Abasi.

Akpa Anditiene-Christ Emi Okotode Europe

Mme akpa mbon-isañ ukwọrọ-ikọ emi ekekade Europe ema esaña eduk ke Philippi emi ekedide mkpon nkan ke ofuri nkañ obio oro. Otim añwaña nte ke mme Jew ikawakke do. Edi ke akpa Sabat ema ekut Paul ye nsaña esie ewọñode ke obio ekpere mben inyañ ke ebiet emi ekeyomde ndinim akam. Do ke ibat-ibat nditọ iban ekebono; ubak mmọ ekedi mme Jew ndien ubak mmọ ekedi mbon idut eñwen emi ekponode Abasi ke ido mme Jew.

Paul ye Silas ema esuhọre etetie enyuuñ etiñ ikọ enọ iban oro. Edi oto nte nkan-nkuk oro eketiede, ekeme ndidi ekedi ibio-ibio mboho, edi ye oro nwan kiet ke otu mmọ ama enyene udọñ ọnọ ikọ Abasi. Enye ama añwaña esit esie ọnọ akpanikọ. Enye ekedi akpa owo ndinyime Eti-mbuk ke Paul ama ekeyere ikot emi otode Macedonia. Ofuri ufọk esie ema enyime Eti-mbuk obufa ediom emi. Ekeme ndidi Paul ama ọkwọrọ nko abaña edina uduok-mmọñ ke usen-ubok oro, koro Lydia ye ofuri ufọk esie ema ena uduok-mmọñ. Ke ndo-ndo oro Lydia ama oyom mme ọkwọrọ-ikọ Christ emi editie ke ufọk imọ. Enye akada nti ido ekpek mmọ tutu mmọ enyime ndika. Enye ama afat ukpep-nkpọ Christ akama, onyuuñ ọtọñọ ndinam ibet ke abaña ima, emi Jesus ekekpepde, ndima mme ọkwọrọ-ikọ Abasi ye ikot Esie, añwana ndinim eti itiat idak isọñ nnọ idem esie ke ini iso (1 Nwede Timothy 6:19). Nwede Abasi ọdọhọ ete: “Ekufre ndikama isen owo, koro ndusuk owo ema esaña ntem eda mme angel eduk ufọk, idiọñọke” (Mme Hebrew 13:2).

Mme Ukọbọ

Utom ukwọrọ-ikọ Abasi ikenyeneke ndika iso ntre, nnyuuñ ntre ndinyene ubiọñọ. Andidiok enyene nkari eti-eti ke mme mbufiok esie nte enye oyomde ndiwuri utom Ọbọñ. Ekese ini enye ada nsu emi ewańde ke mbiet akpanikọ ndida mbiaña. Eyen-ańwan kiet ama etiene Paul ye Silas, ye mfiori ete, “Mmọ emi edi ikot Abasi Andikoń-nkan, emi ekwọrọde usuñ erinyaña enọ mbufo” (Utom Mme Apostle 16:17).Ekedi ata akpanikọ, edi ikọ-ntiense owo emi enyenede spirit idiọñ ikemeke ndida ubọñ nnọ Abasi. Satan eketiñ ikọ ebe ke enye ndiwọñọre ekikere mme owo ke idiok usuñ mbaña Mbet ye nsaña esie nnyuuñ ndomo ndibiọñọ utom emi Abasi akanamde oto mmọ. Ekedi utọ spirit emi enye akadade etiñ ekesin Paul ọfuhọ. Kpa ukem-ukem spirit oro ke owo idat Gadara ekenyene ke ini enye okokutde Jesus.

Ibet ọkọdọhọ ete: “Mbufo ekukabare etiene ekpo, ekunyuñ ebup mbia-idiọñ, mbak mmọ edisabare mbufo: ami ndi Jehovah Abasi mbufo” (Leviticus 19:31). Kpukpru nduk ye mme spirit ekpo, mme okut nkukut, me, mme ebre-idiọñ edi se etimde ekpan. Abasi asua oro, koro edi se itode andidiok. Ndidomo ndifiok ndibe nkpo nto mme ebre-idiọñ ye mbon spirit ekpo me nkpo oro Abasi mikwe ite odot ndiyarare nnọ nnyin edi idiok-nkpọ emi añwanade ye Ifiok Esie. Ke akwa mbom Esie, Abasi ama odip owo uwak mbufiok ini iso ndien ayak idorenyin ọnọ enye ke itie esie.

Paul ama ebin edidehe spirit efep ke idem nwan emi, ndien emi ama anam esit eneñere ayat mme ete-ufok esie. Usun mmọ ndinam okuk nto ubre-idiön esie ama etre. Mmọdo mmọ ema emum Paul ye Silas enyuñ eda mmọ edi ke iso mme ebierikpe. Mme ebierikpe emi ema ekop se eketiñde edian Paul ye Silas, edi inohọ mmọ ifet, inohọ mmọ ufañ nditiñ ikọ idem mmọ, emi mikedighe unen ke mbet mbon Rome ndinam ntre. Ke ema ekemia mmọ ediwak ubok ikpa, mme etubom enuk ikot Abasi esin ke ufok-nkpokobi enyuñ enọ ekpeme-ufok-nkpokobi uyo ete otim ekpeme mmọ, ndien enye ke idem esie ada mmọ ekessin ke ata esit-esit ufok-nkpokobi, onyuñ afat mmọ ukot ke ebuka.

Mboho Akam Ye Ikwọ

Isidighe mmem-mmem nkpo ndikwo ikwo ke ufot okoneyo ke ini nnyin inyenede mme idomo. Ediwak ini mme mbiomo nnyin ekpere ndidobi nkan se owo ekemedede ndibiom. Edi Jesus ama onwofon ndidi andibiom mbiomo nnyin. Paul ye Silas ema ebön akam enyuñ etop mbiomo mmọ enọ Abasi, emi odohode ete, “Ami Ndikpuhu fi, ndinyuñ nkponke fi.” Nte mmọ eböñde akam, ata idara oyohọ ukpon mmọ ndien mmọ etön ndikwo mme ikwo itoro ke okposon uyo nno Abasi.

Mbon-nkpokobi eken ema ekop mme ikwo idara emi. Se nkpo mkpa-idem emi okoworode ono mbon-nkpokobi emi ke ndidemere ke idap ke ufot okoneyo ke ntak akam ye mme ikwo emi etode ke inua mme owo emi iyip ama okoyohọ edem mmọ enyuñ efatde ukot mmọ ke ebuka. Mbon-nkpokobi emi ikpekoduhe ke mkpa-idem, edieke mmọ ekpekekopde nkuni ye isun, edi edibon akam ye edikwo ikwo ekedi se owo mikodorike enyin. Mme akam ye ikwo oro ema esin Heaven osuhore edi onyuñ ono nkpañ-uton. Ke idaha oro akani ufok-nkpokobi ama enyek tutu osim idem itiat idak-ison. Mme usun ema eberede ena inwan, nkpokobi enyuñ etara kpukpru mbon-nkpokobi ke ubok. Akananam utọ nkpo ntre ikotibeke ke ufok-nkpokobi mbon Philippi oro. Odudu Abasi ama otim okpon, koro baba owo-nkpokobi kiet ikodomoke ndifehe.

Ekpeme Ufok-Nkpokobi Obọ Erinyaña

Unyek-ison ama edemere ekpeme ufok-nkpokobi emi, obumerede oworo ke mkpana, edikut nte mme usun ufok-nkpokobi enade inwan. “Ke mbet mbon Rome, ekpeme-ufok-nkpokobi enyene ndibọ ukem ufen emi mmọ emi efehede ke ufok-nkpokobi ke ntak unana ntiñ-enyin esie ekpenyenede ndibọ.” Ekese idaha ekpeme-ufok-nkpokobi ekesiwot idem esie utu ke etubom utom do owot enye. Ke ekerede ete ke mbon-nkpokobi emi ema efeñe, ekpeme-ufok-nkpokobi owo Philippi emi ama oduri ofut ete iwot idem esie. Okposuk edi ekedide ufot okoneyo ye ekim, unwana ama eneñere ayama oto ke mme ana-inwan usun oro man Paul ekeme ndikut se ekpeme ufok-nkpokobi okoyomde ndinam, ndien enye ofiori ke okposon uyo ete, “kunam idem fo idiok: koro nnyin kpukpru mi.”

Ubiom-ikpe ama otim omum ekpeme-ufok-nkpokobi. Enye ama oyom utọ erinyaña oro Paul ye Silas ekenyenede. Enye ama okot eda ikañ edi, ye nyek-idem enye ama aka okoduọ ke iso ikot Abasi. Ndien enye osio Paul ye Silas oworo onyuñ odohode ete, “Mme ete, nnyene ndinam nso man enyaña mi?” Emi ama ada ekikere Paul afiak edem eketi mme usen oro enye okokobode mme anditiene-Christ. Obon ama omum enye ke usun ndika Damascus ndien enye ofiori ke okposon uyo ete, “Obon, nso ke Afo oyom mi nnam?” (Utom Mme Apostle 9:6).

Iboro emi ekenode ekpeme-ufok-nkpokobi ekedi mmem-mmem: “Buotidem ye Obon Jesus, ndien eyenyaña fi ye ufok fo.” Akamba ubiom-ikpe ama omum ekpeme-ufok-nkpokobi ke esit ke abana mme idiok-nkpo esie ye ekikere nte enye edikemedede ndinim ke akpaniko ke esit esie. Emi edi ndida esit nnim ke akpaniko, edinim ke akpaniko emi asañade ye oyohọ nkop-uyo Abasi, emi ayararede idiön edimana obufa. Ediwak owo enyime akpaniko ke ibuot enyuñ ekere ete ke mmimọ imenyene erinyaña, edi enye oro ikpon ikemeke ndinọ owo obufa emana. Ikọ Abasi odohode ete: “Koro edieke afo adade inua fo onyime ete Jesus edi Obon, onyuñ onimde ke akpaniko ke esit fo ete, Abasi akanam Enye eset ke mkpa, eyeboho: koro owo ada esit onim ke akpaniko enyene edinen ido: onyuñ ada inua onyime enyene erinyaña.” (Nwed Mbon Rome 10:9, 10).

Nso utọ okoneyo eriti! Akpa ekedi mboho akam, ndien edikwo ikwo, unyek ison, erinyaña ekpeme-ufok-nkpokobi ye ofuri ufok esie ediyet mme nde unan Paul ye Silas, ederi uduok-mmön, ndien

ke akpatre akwa usoro emi kpukpru owo ekedarade enyũ etorode Abasi ke akwa erinyaña Esie.

Emi ekedi akpa akwa ekõ eke Spirit ye erikan emi ekekande enõ Abasi ke isõn mbon Europe oto ke owo iba emi ekedide mme isũ-utom Abasi ke akpa ñtõnõ ufok Abasi. Europe ekedi akpan añwa ekõn õnõ ediwak ndutime ke ini iso ke ufõt mme odudu Satan ye Christ nnyin. Eñwan ke osuk akaka iso, edi usen kiet ndisana ikõt Abasi emi ekewotde ke ntak Ikõ Abasi eyeda ye õyõõ idara erikan ke akwa obio, etat enyũ efuñ banner eke Jesus Christ Edidem nnyin. Usen emi õyõõde ye ubõn!

Isua duop ama ekebe, Paul ama ewet utibe Ñwed õnõ Mbon Philippi emi okowutde akwa ima emi enye ekenyenede õnõ Lydia ye ofuri ufok esie, õnõ ekpeme-ufok-ñkpõkõbi ye ofuri ufok esie, onyũ õnõ kpukpru mmõ oro ekenyañade ke Philippi. Enye ekewet ete:

“Ñkõkõm Abasi mi ke kpukpru eriti eke ntide mbufo;

“Nnyũ nnam kpukpru mkpe-ubõk mi kabaña kpukpru mbufo kpukpru ini ye idaresit, “Koro mbufo ekebuanade ke utom usuan gospel toto ke akpa usen tutu osim emi;

“Mmonyũ mbure mfiõk ñkpõ emi, nte, Enye emi õkõtõnõde eti utom ke esit mbufo eyenam enye õfõn ama ndien edisim usen Jesus Christ:

“Kpa nte enende mi ndinyene utõ ekikere emi mbaña kpukpru mbufo; mmum mbufo ke esit mi ñkama, koro ke ñkpõkõbi mi, ye ke eneni eke nnenide man gospel õsõõnõ ada, mbufo kpukpru esaña ntre ye ami ebuana mfõn Abasi.

“Koro Abasi edi ntiense mi, ete, kpukpru mbufo edõn mi ye mbõm Christ Jesus.”

“Ntre nditõ-ete, emi mmade, nnyũ ñkopde udõn mbufo, idara mi ye anyanya mi, esõõnõ eda ntem ke Qõõn, ndima mi” (Ñwed Philippi 1:3-8; 4:1).

MME MBUME

1. Nso ke nnyin ifiõk nte Ikõt emi otode Macedonia?
2. Ke ebiet ewe ke ekebem iso ekwõõ Eti-mbuk emi ke Europe?
3. Anie ekedi akpa owo Europe emi akakabarede esit oduk ke ubon Christ?
4. Nso ikada ñkpõkõbi Paul ye Silas idi?
5. Nso ke Ñwed Abasi etiñ abaña ubre-idiõn?
6. Ke mmõn ke mme enyene spirit ekpo ebõ odudu mmõ?
7. Tiñ nte ekpeme-ufok-ñkpõkõbi akasañade õbõ erinyaña.
8. Nso ikõ ke mme ebierikpe ekedõn enõ Paul ye Silas ke usiere usen-ubõk?
9. Didie ke Paul õkõbõõ mme ebierikpe?
10. Siak mme akpan ñkpõ itia-ita emi eketibede ke okoneyo oro Paul ye Silas ekedude ke ufok-ñkpõkõbi.